



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Item de illis qui presbyteris Ecclesias auserunt. cxii.

urn:nbn:de:hbz:466:1-10722

D. BURCHARDI EPIS. VVORMAC.

sacramento accipitur, & patenam ad aliud officium habet quàm altaris ministerium, deterrendus est exemplum Balthazar, qui dum vasa domini in vsus communes adsumpsit, vitam pariter cum regno amisit.

Quòd licitum sit episcopis cum consilio cleri de thesauro Ecclesie sue familie in necessitate succurrere. Cap. CVI.

Ex cõcil. Auernẽ. cap. 5. **L**icitum sit episcopis presentibus presbyteris & diaconibus de thesauro Ecclesie familie & pauperibus eiusdem Ecclesie, secundum canonicam institutionem iuxta quod indiguerint erogare.

Ne cadauera pallio altaris cooperiantur. Cap. CVII.

Ex eodẽ, cap. 30. **N**e oportorio dominici corporis, vel altaris non vniquam corpus dum ad tumulũ euehitur obtegatur, nec sacro velamine dũ honorantur corpora, altaria polluantur. *Ne ad nuptiarum ornatum diuina ministeria prestantur. Cap. CVIII.*

Ex eodẽ, cap. 8. **N**e ad nuptiarum ornatum ministeria diuina prestantur, & dũ improborũ tactu vel pompa secularis luxuria polluantur, ad officia sacri mysterij videantur indigna. *Ut Ecclesia seculari potẽtia minime peruadatur. Cap. CIX.*

Ex cõcil. apostolo. cap. 31. **S**i quis episcopus secularibus potestatibus vsus, Ecclesiam per ipsas obtineat, deponatur, & segregetur, omnesque qui illi communicant.

De presbyteris qui Ecclesias suas per precium acquisierint. Cap. CX.

Ex cõcil. Mogũti. cap. 5. **Q**vicunque presbyter per precium Ecclesiam fuerit adeptus, quoniam contra Ecclesiasticã regulã disciplinam agere dignoscitur, & qui alium presbyterum legitimum ad Ecclesiam ordinatum per pecuniam expulerit, eamque sibi taliter vendicauerit, omnimõdis deponatur.

Ut nullus laicus ab Ecclesia sua presbyterum eicere presumat. Cap. CXI.

Ex eodẽ cap. 29. **V**t laici presbyteros non eiiciant de Ecclesiis, nec constituent sine consensu episcoporum suorum.

Item de illis qui presbyteris Ecclesias auferunt.

Caput CXII.

Ex cõcil. Cabillon. cap. 42. **I**nuentum est quòd multi arbitrij sui temeritate, & cupiditate, presbyteris quibusdam Ecclesias absque consensu episcoporum Ecclesias dant vel auferunt.

Vnde oportet, vt canonica regula seruata, nullus absque cōsensu episcopi cuilibet presbytero Ecclesiam det. Quam si iustè adeptus fuerit, hanc non nisi culpa graui, & coram episcopo canonica seueritate amittat.

Vt nullus aliquod munus propter Ecclesiam à presbytero requirat. Cap. CXIII.

VT nullus omnino munera exigat à presbyteris, propter commendationem Ecclesie. *Ex cōcil. Mogūt. cap. 30.*

De eadem re. Cap. CXIII.

Sancitum est atque omnimodis prohibitum, vt si quis presbyter inuentus fuerit alicui clerico aut laico munera dare aut dedisse, aut aliquam pecuniam tribuere, vt aliterius presbyteri Ecclesiam surripiat, aut Ecclesiam vacantem precio redimat, pro hac cupiditate seu rapina, seu presumptione turpis lucri gratia deiiciatur à clero, & alienus existat à regula. *Ex cōcil. Rotoma. cap. 5.*

Vt presbyteri plebes admoneant, vt linteamina altaris præparent. Cap. CXV.

VT presbyteri per plebes suas sceminis prædicent, vt linteamina in altaria præparent. *Ex cōcil. Remensi, cap. 4.*

Vt episcopi præuideant quid presbyteri dominis suis pro Ecclesiis facere debeant. Cap. CXVI.

VT episcopi præuideant, quem honorem presbyteri pro Ecclesiis suis facere debeant. *Ex cōcil. Aralascē si, ca. 3.*

De eadem re. Cap. CXVII.

VT nullus presbyter ad introitum Ecclesie xenia donet. *Ex cōcil. Aureli. cap. 10.*

*De presbyteris nihil habentibus quando ordi-
nantur. Cap. CXVIII.*

Inuestigandum si nihil patrimonij habens presbyter quando prouectus est ad ordinem ecclesiasticum, postea emerit prædia, cuius iuris sint, quoniam Ecclesie ad quæ de nihil habente promotus est esse debent, iuxta canonicam autoritatem. *Ex cōcil. Remensi, cap. 6.*

De eadem re. Cap. CXIX.

Presbyter cum diocesim tenet, de his quæ emerit, ad Ecclesie nomen scripturam faciat, aut ab eius quam tenet Ecclesie ordinatione discedat. *Ex cōcil. Arausico cap. 54.*